



УШБУ СОНДА:

Чироқчилик чемпиони.....	2	Шукуржон Маматкулов:	
«Гулхан»нинг Муҳаббат опаси.....	2	Яхшилик бахт, омад келтиради.....	4
Ҳар доим келини тарафида		Тарбиянинг ҳам тарсакиси бор.....	6
бўлган қайнона.....	3	Шардан ясалган «уй»лар.....	7

ЧИРОҚЧИЛИК ЧЕМПИОН

ЗУЛФИЯХОНИМ ИЗДОШЛАРИ



Рахмонованинг интилишлари ва изланишлари бу йил муносиб тақдирланди, у маданият йўналиши бўйича Зулфия номидаги Давлат мукофоти билан тақдирланди.

Албатта, қахрамонимиз бу ютуқларга ўз-ўзидан эришгани йўқ. У юртимизда ёшларнинг билим олишлари, иқтидорини намойиш этишлари учун яратилган имкониятлардан унумли фойдаланмоқда. Тинимсиз меҳнат, машаққатли машгулотлар, галабага бўлган кучли иштиёқ, ирода ва матонатгина Гўзал босиб ўтган муваффақият довларига йўл очди.

Болаликда спортга нисбатан кўнглида уйғонган қизиқлигини ота-онаси қўллаб-қувватлаган бўлса, устози Бахриддин Ёрматовнинг сабоқлари натижасида бу спорт тури сирларини пухта ўзлаштирди. Эндиликда республика ва халқаро мўлкдаги мусобақаларда, Осиё чемпионатларида муваффақиятли иштирок этиб, мамлакатимиз шарофтини муносиб ҳимоя қилмоқда.

Ўзбекистон кураш федерацияси томонидан 2014 йилда "Йилнинг энг яхши аёл курашчиси" деб топилган Гўзал 2009-2014 йилларда ўтказилган Ўзбекистон чемпионатларида голибликни қўлга киритиб, 6 карра мамлакат чемпиони бўлди. 2012 йилда Хиндистон давлатида кураш бўйича ўтказилган Осиё чемпионати голиблигини қўлга киритди.

— Бу спорт турига болалигимдаёқ, меҳрим тушган, — дейди **Гўзал Рахмонова**. — Сирожддин акам кураш тўрагага қатнашиб юрган кезларида унга ва у билан бирга беллашаётган ўғил-қиз-

ларга ҳавас қилганман. Қизиқшимни сезган акам мени ҳам машгулотларга олиб борди. Мусобақаларда иштирок этиб, фахрли натижаларга эришдим. Бугунги кунда биз ёшлар нафақат она юртимизда, балки хорижлик тенгқурларимиз орасида ҳам ўз истеъдодимизни бемалол намоеъ эта олиш имкониятига эгамиз. Шунинг ўзи катта бахт эмасми. Хиндистонда ўтказилган Осиё чемпионатида иштирок этарканман, хорижлик спортчиларнинг миллий курашимизга бўлган қизиқишларини кўриб, қалбим ғурур ва ифтихорга тўлди.

Гўзал "Бир кизга бир полвонлик ҳам етади", деб хотиржам ўтирмайди. Миллий кураш билан шуғулланиш асосида инглиз тили ва тикуччиликни ўргатишга мўлжалланган махсус тўгаракларга ҳам қатнашмоқда. Бадиий адабиётлар ўқишни ёқтиради. "Қамолот" ёшлар ижтимоий ҳаракати бошланғич ташкилотининг "Спорт" йўналиши сардори сифатида тенгдошлари ўртасида соғлом турмуш тарзини кенг тарғиб этиб келмоқда.

У жаҳон майдонларида миллий курашимиз нуфузини янада юксакроқ бўлиши йўлида ўз хиссасини қўшишни истайди.

— Бугун миллий курашимизни жаҳон тан олган. Унинг келажақда олимпия ўйинлари сафидан жой олиши эса биз ёшларнинг интилишимиз, ҳаракатимизга ҳам боғлиқ. Шунинг учун беллашув ва мусобақаларда голибликка эришиш билан бирга жаҳон бўйлаб миллий спорт туримизни янада кенгроқ тарғиб этишимиз, бунинг учун эса тил билишимиз, мамлакатимизда биз ёшлар учун яратилган имкониятлардан унумли фойдаланиб, тарихимиз ва миллий қадриятларимиз борасидаги билимларимизни янада кенгайтиришимиз керак. Юртимизда ёшларга кўрсатилаётган эътибор ва ғамхўрликлар замирида бизга билдирилаётган юксак ишончни ҳис этаман. Бу ишончни оқлаш ҳар биримизнинг шарофли бурчимизга айланишини истардим, — дейди Гўзал.

Ўзи ёш бўлса-да, катта мақсадлар сари интилиб бораётган Гўзал Рахмонованинг шахди-шидатига одамнинг ҳаваси келади. У каби полвон ва оқила қизлар сафи янада кенгайсин, деган ёруғ ниятлар кўнглига қуйилади.

Ширинхон МҲМИНОВА,
"Оила ва жамият" муҳбири.

ДАРОМАДЛАРНИ ДЕКЛАРАЦИЯЛАШ МУДДАТИ

1 АПРЕЛГАЧА ЭКАНЛИГИНИ УНУТМАН!

Солиқлар давлат бюджетини маблағ билан таъминлаш воситаси ҳисобланади ва улар аҳолига бепул бошланғич таълим, тиббий хизмат, кам таъминланган, меҳнат қилиш қобилиятига эга бўлмаган қатламининг нафақа билан таъминлаш мақсадларига сарфланишини ҳаммамиси билан. Яъни, аҳоли томонидан тўланаётган солиқларнинг ўзига турли хизматлар кўринишида қайтарилади. Солиқ хизмати ходимлари солиққа тортиш масалаларининг аниқ шундай моҳиятини фуқароларга атрофлича тўшутиришига ҳаракат қилишмоқда.

Хабарингиз бор, 1 апрель — жисмоний шахсларнинг жами йиллик даромадлари тўғрисида декларация тақдим этишининг сўнгги кунини.

Агар фуқаролар икки ва ундан ортиқ корхона ёки ташкилотда ишлаб, даромад олган бўлсалар, Ўзбекистон Республикаси Солиқ кодексининг 189-моддасига кўра, жисмоний шахс икки ва ундан кўп манбадан солиқ солинадиган даромад олувчи ходим сифатида жами йиллик даромадлари тўғрисида декларация топширишлари лозим.

Декларация топшириш пайтида жисмоний шахс асосий иш жойидаги даромадлари ва

қўшимча даромадларидан ушланган солиқ суммалари тўғрисида тасдиқланган шаклдаги маълумотномани ҳам илова қилиши керак.

Агар жисмоний шахслар томонидан ўтган йилда:

- Мулк ҳуқуқи асосида ўзларига тегишли нотураж жойларни, қимматли қоғозларни ҳамда турар жойларни 12 ой ичида бир мартадан ортиқ сотишдан;

- Мол-мулкни (автотранспорт, дала ҳовли, уй-жой ва бошқа бино, иншоот) ижарага беришдан;

- Чет элдаги фаолиятдан;

- Даромад солиғи ушлаб қолинмаган бошқа манбалардан даромад олган бўлсалар, доимий яшаш жойидаги давлат солиқ инспекциясига жорий йилнинг 1 апрелидан кечиктирмай, жами йиллик даромадлари тўғрисидаги декларацияни тақдим этишлари лозим.

Ўтган 2014 йил давомида Жиззах вилоятида 2013-молия йилида даромад олган фуқаролар ҳақида 8184 та маълумот келиб тушди. Тахлиллар эса, декларация тақдим этган фуқаролар олдинги йилга нисбатан 575 нафарга ошганлигини кўрсатмоқда. Бу йилги мавсумни янада самарали ташкил этиш, декларация топши-

риши лозим бўлган фуқароларга қулайлик яратиш, уларнинг масъулиятини ошириш мақсадида кенг қўламли тарғибот ишлари йўлга қўйилган.

Жисмоний шахсларнинг декларацияларини қабул қилиш даврида давлат солиқ хизмати органларининг иш вақтлари узайтирилиб, ҳафтанинг дам олиш кунларида ҳам масъул ходимлар хизмат кўрсатиши ташкил этилган. Давлат солиқ инспекцияларида декларацияларни тўғри тўлдириш бўйича очиқ эшиқлар кунлари ва семинар машгулотлари ташкил этилиб, малакали маслаҳатлар бериб борилади. Декларация бланкалари бепул тарқатилади.

Жисмоний шахслар жами йиллик даромадлари тўғрисидаги декларацияни ўзлари учун қулай бўлган жойда ва куннинг исталган вақтида электрон шаклда топширишлари мумкин. Бунинг учун Давлат солиқ қўмитасининг расмий www.soliq.uz сайтнинг "Жисмоний шахслар учун" бўлимидаги "Электрон солиқ декларациялари" интерактив хизматига электрон рақамли имзо орқали кириш ва белгиланган декларация шакли тўлдирилиб, жўнатиш тугмасини босиш kifoya.

Ўқтам АБИРКУЛОВ,
Жиззах вилоят ДСБ бўлим бошлиғи.

Эҳтиром БОЛАЖОНЛАР ОПАСИ

Ҳаётда аёлга нима керак, деган саволнинг жавоби, назаримда аниқдек: оилавий бахт, эл-юртнинг тинчлик хотиржамлиги, фарзандларнинг фазлу камолини кўриш ва севимли касбидан илҳомланиб яшаш.

Қарийб қирқ йилдан зиёд умрини болалар матбуотида бағишлаган, шу соҳада садоқат билан хизмат қилиб келаётган таниқли журналист, "Шухрат" медали соҳибаси Мухаббат Ҳамидова ана шундай толега муяссар бўлган аёллардан бири.



Мухаббат опа

ҳақида гап кетганда, аввало кўз ўнгимизда гайрат-шижоатли, чеҳрасидан табассум аримайдиган, хушчақчақ, хушфёъл аёл гавдаланади. У умрининг асосий қисмини болажонларимизнинг севимли журнали "Гулхан"га бағишлади. Устоз ижодкорлар назарига тушиб, гагга чечан, ҳозиржавоб журналист сифатида иззат, шухрат топди, десак ҳеч муволага бўлмайди.

Қувонarli жихати, у "Гулхан"нинг таниқли бош муҳаррирлари — Худойберди Тўхтабоев, Тўлқин Қозоқбоев, Яйра Саъдуллаева, Абдулла Орипов, Ойдин Ҳожиёва, Сафар Барноев, Омон Матжон, Ашурали Жўраев сингари забардаст шоир, ёзувчилардан адабиёт ва журналистиканинг сир-асрорларини кўнгил билан ўрганди. Юзлаб шогирдларига эса болажонлар учун содда, раван мақола ёзиш кераклигини ўқитиб келмоқда. Бирор мақола ёзмокчи бўлиб, Мухаббат опанинг ёнига маслаҳат сўраб кирсангиз, эринмасдан мавзунинг долзарб жиҳатларини ўргатади. Шунинг учун бу меҳрибон, ширин сўз аёлни йўқлаб келувчилар кўп. Асарларида жамиятдаги оғриқларни куюниб қаламга олади, бугунги бахтли болажоннинг қувончи, орзу-истакларини яйраб ёзади.

Аёл оилада бахтли бўлса, чеҳрасидан нур ёғилиб туради, дейди доно халқимиз. Оиланинг устунини, турмуш ўртоғи Равшан ака Мухаббат опани доимо эъзозлаб, ҳар тамонлама қўллаб-қувватлаб келаяптилар. Уч нафар ўғил — Рустамжон, Фарҳоджон ҳамда Сардорбекларни эл-юрт қорига қамарбаста этиб вояга етказишди. Икки келинлари оила, рўзгор тутумида Мухаббат опанинг сабогини олиб, қанотига қиришган. Тўрт нафар жажжи неваралар эса бобожон ва буви-жонларнинг чин маънодаги қувончига айланган.

— Минг бора шукрки, келинларим менга қиз ўрнига қиз бўлди, улар билан бирга уйимизга файиз-баракат кириб келди, — дейди **Мухаббат Ҳамидова қувончига тўлиб**. — Оиламизга бир дунё қувонч улашаётган фаришталарни яхши кўрмай бўладими? Бахтимизга ўғилларим билан кўша-қаршисин, ўзларидан кўпайишин.

Умрни бежизга оқар сувга қиёслашмас экан. Мухаббат опа юртимизда Наврўз шодиёналари кенг нишонланаётган мана шу кунларда қутлуг 60 ёшга тўладилар. Биз кўп минг сонли ўқувчиларимиз, қолаверса, "Гулхан" муҳлислари номидан тиниб-тинчимас ижодкорга узоқ-умр, оилавий хотиржамлик, бағри бутунлик тилаб қоламиз. Доимо ёшларга ибрат бўлиб, элдошларимизга яхшилик қилишдан чарчамаган, деймиш. Невара, эвара, чевараларингизни ҳам камолзини, орзу-ҳавасини кўриб юришлик ҳасиб этсин. Камтарлик, камсукумликни, кенг фёъл ва ҳамиша одамларга меҳр улашиб юришни сиздан ўргансанқарзийди, қадрли Мухаббат опа!

Манзура УБАЙДУЛЛАЕВА,
"Тонг юдузи" газетаси ходими.

БАРЧА РЎШНОЛИКЛАР САБРДАН

...Бундан роппа-роса элик йил олдин Олтиариққа Тошкенти азимдан келин турши. Пойтахтлик келин роса сепни босиб келгандир, деб кузатиб турган кўни-кўшни даста-даста китобларни кўриб: "Бу киз шаҳарчага бир олам зиё келтирибди-ку", дейишди.

Аслида ҳам шундай. Пойтахтда ўсиб, улғайган Маъсудахон табиатан ижодкор эди — ўқувчилик давридаёқ шеърлари газеталарда босилиб чиққан, таниқли шоир Куддус Муҳаммадий раҳбарлигидаги назм тўрагагида сабоқ олганди. Байрам тадбирларида ўз шеърларини ўзгача ифодали ўқи берар, маҳалладошлари: "Шокир қорининг уйдан бир булбул чиқибди", деб мақтаб юришарди. Мактабни аёло баҳолаб битириб, ҳозирги Низомий номидаги Тошкент давлат педагогика университетининг филология факультетида ўқиган бу киз тақдир тақозосига кўра Фарғонага келин бўлди.

Шаҳарчадаги 20-умумий ўрта таълим мактабидида иш бошлаган Маъсудахон ташаббускорлиги билан тезда ҳурмат-эътибор қозонди, мактаб ҳаётига янгиликлар киритди. Олтиариқлик ўқувчиларни (кейинчалик санъаткорларни ҳам) биринчи бўлиб республика телевидениесига олиб чиққан жонкуяр инсон ҳам у эди.

Албатта, турмушда ҳамма нарса силлиқ бўлмайди: ўн бир кунлик куёв Тўлқинжон акани армия хизматида олиб кетишди... Уч қизу бир ўғилни ёлғизқўллик билан ўстирган Ҳидоятхон ая ва янги келинчақ бир-бирига суяниб қолавердилар.

— Мени шундай фаришта-сифат аёлнинг қўлига топширган тақдирдан мингданминг розиман, — дейди қахрамонимиз ўтган умрига назар ташлаб. — Онам Қаримахон сахий, одамжонли, дилбар инсон эдилар. Қайнона-онажоним ҳам, Худонинг кудратини қарангки, худди

волидамнинг ўзгинаси экан. Нимагаки эришган бўлсам, меҳридарё қайнонам ва олижаноб турмуш ўртоғимнинг мададлари билан эришдим.

Дарҳақиқат, Маъсудахон Давронова қирқ йил эл хизматида, раҳбарлик лавозимларида ишлади: мактабда, туман маданият бўлимида, туман ҳамда вилоят ижрокўмида... Қаерда бўлмасин, яратувчанлиги, ташаббускор-

Онанинг дуоси — олтин. Мана, бугун Давроновлар оиласи элнинг олди. "Тинчлик" шаҳар, "Ўзбекистон" маҳалла фуқаролар йиғинидаги бу серфайз хонадонни ҳаммаша ҳаммага ибрат қилиб кўрсатадилар. Фарзандлари боадаб, барчаси олий маълумотли. Ўғиллари Улуғбек ва Алишер нефтни қайта ишлаш заводида ишлади. Қизлар эса она касбини танлашди —

Дилноза туман халқ таълими бўлимида, Хулкаррой эса 37-умумтаълим мактабидида ишлашмоқда. Шириндан-шакар набиралар ўнтага етди. Иккала келин — Маърифатхон ва Гулнорахонлар ҳам олий маълумотли. Бу уйдан ҳали бирор ёмон гап кўчага чиқмаган.

— Мен доим келин тарафда бўламан, — дейди Маъсудахон ая. — Қайнонамдан олган меҳримни энди шуларга қайтараманда. Кичкина келинимни деярли ўзимиз ўқитдик. Турмуш ўртоғим билан бир умр илмининг ортидан эргашдик, ризқ топдик, фарзандларимизни ҳам шу йўлга ундаймиз. Мана, набираларнинг олди олий маълумотли, қолганлари ҳам унинг ортидан боришяпти. Илм зиёси бор жойда ёмонликка, фиску фасодга жой қолмайди.

"Барча рўшноликлар замирида сабр ётади". Бу Давроновлар оиласининг олтин қоидаси. Ҳа, тотувлик қувонч ортидан қувонч олиб келаверади. Ўтган йили бу оила "Намунали хонадон" кўрик-танловининг туман босқичида голиб бўлди.

Тўлқинжон ота ва Маъсудахон она хонадонига бирровга кириб, уларнинг суҳбатидида бўлган одамнинг қалби ҳавасга тўлади. Хонадоннинг осуда иқлими, кут-баракаси, шукрона ифорили хушҳавосидан баҳри дилингиз очилади. Шундай оилалар кўпаяверсин, деган эзгу бир тилак кўнгилни янада ёритади.

**Гулҷехра АСРОНОВА,
"Оила ва жамият"
муҳбири.**

ХУНАРДАН РИЗҚ УНДИРИБ

Замондошларимиз

Шарифа Маърупова — хунари ва меҳнати ортидан ҳам ризқ, ҳам обрў-эътибор топиб, юртимизнинг иқтисодий-ижтимоий ривожига муносиб ҳисса қўшаётган хунараманд-қасаначи аёлларимиздан бири.

Бухорода қиз узатиш ёки ўғил уйлаш тарадудидида она борки. Шарифа опанинг бежирим зардевор, сўзана, жойиўш, чимилдик, елпигич, дастурхон, чойнакпўш, тўн, камзул каби миллий ва замонавий услубда тикилган тўй ҳамда кундалик либослари, уй-рўзгор анжомларига буюртма беришга шошилади. Ахир, бу либос ва анжомлар Бухоро келинчагининг сепида бўлиши шарт ҳисобланган шариф юртининг кўхна-қадим зеболигидан сўйлагувчи зийнатлар-да!

— Попоп йўналишидаги чеварликка болалигимдан бери қизиқишим бор эди, — дейди Шарифа Маърупова. — Талабалик чоғларимда ҳам, ўқишни битириб мактабда ишлай бошлаганимда ҳам бу хунари мени ўзига тортаверди. 1998 йилдан шу соҳада тадбиркорлик фаолиятимни бошладим. Ҳар бир тиккан маҳсулотимга қалб кўрим, бор меҳримни бағишлаганим учунми, қисқа фурсатда миҳозлар эътиборини қозонишга эришдим. Мен тиккан нарсаларга қизиқиш ортиб, фаолиятим кенгайди. Фарзандларимни ёнимга олиб, уларга ҳам ўз хунаримни ўргата бошладим. Сўнг кўни-кўшни қиз-аёллар ҳам ёнимизга киришди. Ўғилларим уйлангач, келинларим ҳам шогирдим, ҳам ишчиларимга айланиб, шу тарих оилавий тадбиркорлик ҳаракатини йўлга қўйиб олдим. Бугунги кунда невараларим Феруза ва Шаҳиналар энг яқин кўмакчим бўлиб қолган. Вилоят ва республика миқёсида ўтказиладиган ярмаркалар, фестивал ва кўрик-танловларда иштирок этиб, фахрий ўринларни эгаллаб келяпмиз.

Вилоятимизнинг туман ва кишлоқларидан ташқари, маҳсулотларимизни Тошкент вилоятининг Чиноз ва Янгийўл туманларига ҳам буюртма асосида етказиб бераяпмиз. Тошкент шаҳрида ҳам миҳозларимиз бор.

Мақсадларим улкан, режаларим кўп. Аллоҳ куч-қувват, умр ва соғлиқ берса, ишлаб, меҳнат қилиб қарчамайман. Ишимизни кенгайтириш, хотин-қизларни иш билан таъминлаш мақсадида тикув цехи биносини қуриб, ишга туширдик. Меҳнат қилган, ўз касби, хунарини севган инсон ҳеч қачон кам бўлмайди. Айримларнинг "иш йўқ", "пул йўқ", деб зорланиб, нолиб хорижий давлатларга иш излаб кетаётганини кўрсам, хафа бўлиб кетаман. Беғона эларда мусофирчилик азобини чекиб юрмай, ўз юртимизда ундан ҳам ортиқроқ пул топиш мумкин-ку! Фақат бироз сабр, заҳматли меҳнатга чидамли бўлиш керак. Хорижда ҳам текинга нон бермаса керак?! Қайтанга, ўз юртингда муаммо туғилса, кўмаклашадиган, моддий-маънавий қўллаб-қувватлайдиган яқинларинг, дўсту биродарларинг бор. Анча-мунча қийинчилик ҳам пилсанд бўлмайди...

Фахрий педагог, Бухоро вилояти "Тадбиркор аёл" уюшмаси ҳамда Ўзбекистон ишбилармонлар ва тадбиркорлар ҳаракати Бухоро вилояти бўлими аъзоси, патдўз (попоп) — хунараманд Шарифа опа оилада ибратли бека. Уч фарзанднинг онаси ва олти неваранинг бувижониси. Ишлаб қарчамайди. Унинг шижоати, ижодкорлиги, куч-ғайрати ҳатто айрим эркакларни ҳам қойил қолдиради. Опанинг бу тиришқоқлиги, изланувчанлиги барча аёлларга ибрат бўлгулик.

**Умида АДIZОВА,
журналист.
Бухоро вилояти.**



лиги билан бошқаларга намуна бўлди, энг муҳими — элнинг хурматига эришди.

...Ҳарбий хизматдан қайтган Тўлқинжон онаизорини бардам ва хушнуд кўриб, жуфти ҳалолига меҳри янада ортиди. Демак, умр йўлдош танлашда адашмабди. Тўлқинжон Фарғона политехника институтининг кечки курсида ўқиб, кундузи Олтиариқ нефтни қайта ишлаш заводида ишлаш бошлади. Ёш оила Ҳидоятхон аяга қўшқанот бўлиб, Тўлқинжоннинг сингилларини узатдилар. Биринкетини тўрт фарзандли бўлишди. Рўзгорга ҳалол меҳнатлари ортидан барака кирди. Тўлқинжон ака ишдан ортмасди. Болалар тарбияси ва уй ишларида Маъсудахон опага Ҳидоят ая қарашар, фарзандларининг камолидан юраги қувват олар эди.

Онахоннинг ёши саксонга боргач, Маъсудахон опа ишини енгиллатди — мактабга директор ўринбосари бўлиб қайтди ва шунча йиллар унга тиргак бўлган бу муҳтарам зотнинг хизматида бел боғлаб, дуосини олди. Ҳидоят онанинг: "Маъсудахон келиним борлиги учун ҳам тўксонга кирдим", деган сўнги сўзларини ҳали-ҳануз кўпчилик эслаб юради.

ДУОГҲЙЛАР ОМОН БҲЛИШСИН

Ўзбекистон Республикаси Конституцияси — Бош Қомусимизнинг XIV боб, 66-моддасида қайд этилган: "Вояга етган, меҳнатга лаёқатли фарзандлар ўз ота-оналари ҳақида гамжўрлик қилишга мажбурдилар", деган пурмаъно сўзлар очигини айтиш керакки, дунёдаги ҳеч бир давлат Конституциясида учра-маслигининг ўзиёқ халқимизда кексаларга нисбатан алоҳида ҳурмат-эҳтиром кўрсатиш, уларни ардоқлаш давлатимиз сиёсатининг асосий йўналишларидан бирига айланганлигини яққол кўрсатади. Айниқса, мустақиллик даврида бу каби муқаддас кадрларимиз янада раванқ топиб, устувор тамойиллардан бирига айланди. Шу маънода 2015 йилнинг Президентимиз ташаббуси билан

"Кексаларни эъозлаш йили" деб номлангани ҳам инсонийлик, эзгуликка асосланган миллий гоғларимизнинг ўзига хос ҳаётий тасдиғидир.

Қайси бир кекса авлод вакили билан суҳбатлашманг, уларнинг бугунги дорилмомон кунларга, тинчлик-осойишталик ҳукм сураётган юртимизда амалга оширилаётган бунёдкорлик ишларига шукрона айтганларига гувоҳ бўласиз. Уларнинг ўтмиш ҳақидаги хотираларини эшитиб, истиқлолимизнинг нақадар улуг ва азиз неъмат эканлигини чуқур англайсан киши.

Халқимиз азалдан кичикларга ҳурмат, катталарга иззат кўрсатиб келган. Нуруний отахон ва онахонлар

босиб ўтган катта ҳаёт йўллари барчамизга ибрат мактабидир. Баъзан ҳар хил бахоналар билан ота-онанинг кўнглини ўкситаётган ноқобил фарзандлар ҳам учраётгани бор гап. Лекин бундай вазиятда кўпни кўрган кексалар, маҳалла-кўйдаги фаоллар чуқур мушоҳада билан ёндошиб, имкони борича икки томонни инсоф, муросага келтиришга ҳаракат қилишмоқда.

Ота-онасини сийламаган, меҳр кўрсатмаган, хизматини оқлолмаган, дилини оғритган кимсалар бизда ҳар доим қораланган. Шунинг учун ҳам неча юз йиллардан бери ҳар бир оила учун муқаддас ҳисобланган, улуг ёшга етган ота-онани эъозлашдек муҳим



кадрият истиқлолимиз шарофати тўфайли ўз мазмун-моҳиятига эга бўлди. Энг қувончлиси, айна пайтда юз билан юзлашиб, иккинчи юз йилликда яшаётган қарияларимиз энг ноёб бахт — Ватан мустақиллигига соғ-омон етиб келган, озод ва обод юртининг гуллаб яшнаётганини ўз кўзлари билан кўриб турган саодатманд инсонлардир. Шунинг учун ҳам уларнинг тили-дилдан дуо, шукроналик тушмайди. Бир сўз билан айтганда, фариштасифат нуруний бобомоларимиз истиқлолнинг ҳам, истиқболнинг ҳам дили пок, нияти эзгу дуогўйлари, маънавий мадақдорлардир.

**Дилобар ХҲЖАНОВА,
Нарпай туман 2-сон
ДНИ нотариуси.**

Шукуржон Маматкулов,
Ўзбекистон Қахрамони:

ЯХШИЛИК БАХТ, ОМАД КЕЛТИРАДИ

— Шукуржон ака, донишманд халқимиз орасида ҳаётнинг ўзи катта мактаб, деган ажойиб ибора бор. Айтинг-чи, ана шу улуг дорилфунунда учратган устозларингиздан қандай ибратли тажрибаларни ўргандингиз?

— Андижон туманидаги Орол қишлоғида туғилиб ўсганман. Отам вафот этганида жуда ёш эдим. Онам меҳнаткаш, сабр-қаноатли аёл эдилар. Илми, зиёли бўлишимизни жуда истардилар. Тошкент давлат иқтисодиёт университети (собиқ Тошкент давлат халқ хўжалиги институти) ни тамомлагач, институтда ишладим. 1976 йили мазкур даргоҳнинг Андижон филиали ташкил этилгач, фаолиятимни шу ерда давом эттирдим. Иқтисод фанлари номзоди бўлдим. Қайси соҳада бўлмасин, ўз касбига меҳр қўйган, сидқидилдан меҳнат қилган одам, албатта, элда хурмат топишини, ҳар ким бошқаларга ҳам фақат яхшилик соғиниб яшаса, йўли очиқ бўлишини онаминг ўғитларидан англаганман.

1996 йилдан буён Олтинкўл иқтисодиёт колледжиде раҳбарлик қилиб келаяпман. Бу ерда янги иш бошлаган кезларим салкам 40 йил хўжаликни бошқарган раис, республикада хизмат кўрсатган пахтакор Мамажон Ҳамраев билан танишганмиз. Ҳар бир ишни сидқидилдан бажарадиган, куюнчак, жонқуяр Мамажон акани ўзимга устоз деб билдим. У киши инсон кадрини баланд туртарди. Шундай улкан қалб соҳибининг меҳнатта муносабати, эл орасида ўзини тутиши, юриш-туришини кузатиб, ўрганганларим шу бўлдики, ҳар бир одам ўзи бош бўлган жойда каттаю кичикини, пасту баландни бир-дай билиши зарур экан. Эзгуликка ошно бўлиб яшасангиз, эртами-кечми, у барибир қайтаркан. Менинг ҳаётдан толган ҳикматим бу.

— Сиз раҳбарлик қилаётган Олтинкўл иқтисодиёт колледжи юртимиздаги “Энг намунали таълим муассасаси” дея эътироф этилган. Мазкур даргоҳни бир пайтлар ҳаминқадаргина ўқув маскани бўлган, дейишади. Эндиликда эса нафақат олтинкўлликлар, балки, узоқ-яқинда вояга етаётган ёшларнинг ўқучилиги айнан шу — кўркам, замонавий, ўқитиш тизими ҳар жиҳатдан намунали бўлган колледжда таҳсил олишни истайди. Бунинг сири нимада?

— Агар жамоа аҳил бўлса,



мақсад сари ҳамма бирдек яқдиллик билан ҳаракат қилса, муваффақият йўли очилаверар экан. Мазкур ўқув масканида иш бошлаганимда педагогик жамоамиз билан ёшларга таълим-тарбия бериш ва касбий кўникмаларнинг сифатли ўзлашти-

кўникмаларини шакллантиришда ҳам қўл келди.

Ўқув даргоҳимизда ишлаётган педагогларнинг малакасани, илмий ишлар самардорлигини ошириш мақсадида республика Банк ва Молия академияси ҳамда мамлакатимиздаги 7 та олий ўқув юрти билан ҳамкорликни йўлга қўйганимиз. Жамоадошларим орасида фан докторлари, профессор, фан номзодлари, доцентлар, ўқув-адабиётлар муаллифлари, турли танловлар ғолиблари бор. “Ўзбекистон янги аср дастури”, “Европа таъсис банк тизимларини ривожлантириш”, “Иқтисодиётни эркинлаштиришнинг минтақавий муаммолари” лойиҳалари ҳамда мавзулари доирасида Англия ва Германиялик олимлар билан ҳамкорликда ўтказилаётган илмий-амалий конференциялар, семинарлар эса ўқувчиларимизда ўз соҳаларини чуқур ўрганишга интилишни кучайтиради.

Эндиликда ўқувчиларимиз “Истеъмолчи ҳуқуқи”, “Солиқ билимдони”, “Ҳуқуқ билимдонлари”, “Менинг бизнес гоям” каби кўрик-танловларнинг республика босқичларида муносиб ўринларни эгаллаштиради. 2013 йилда уч нафар ўқувчимиз республика фан олимпиадасида қатнашиб, фахрли ўринларни эгаллади. Уларнинг муаллими — информатика фани ўқитувчиси Фарҳодбек Рўзиёев “Шухрат” медали билан тақдирланди. “Ишбилармон талаба — 2013” кўрик-танловининг республика босқичида Дурдона Фафурова 1-ўринни қўлга киритди. Ойгул Курбонова эса “Ораста кизлар” фестивалининг мамлакат босқичида Андижон вилояти жамоасига сардорлик қилмоқда.

Колаверса, ўқувчиларимиз орасида “Баркамол авлод” спорт мусобақалари ғолиблари, муайтай, кураш, кикбоксинг бўйича чемпионларимиз борлигидан фахрла-

Ифтихор

намиз. Жумладан, ўтган йили кикбоксинг бўйича ташкил этилган халқаро турнирда Исламбек Мамарасулов бронза медаль билан тақдирланди. Яна бир ўқувчимиз Тўланбой Жўраев айкидо йўналиши бўйича республика чемпиони бўлди.

Ўқув муассасамиз мамлакатимиз миқёсида 2005-2009 йилларда “Энг намунали таълим маскани” дея эътироф этилди. 2009 йилда эса “Намунали ободонлаштирилган ва кўкаламзорлаштирилган таълим маскани” кўрик-танловининг республика босқичида 1-ўринни эгалладик. Ҳамжихатлик ва тотувлик жамоани ана шундай юксак мавқеларга олиб чиқаркан.

— Кўпни кўрган инсон сифатида бахт тушунчаси хусусидаги муносабатингизни айтиб ўтсангиз.

— Энг аввало одамнинг ўз уйида тинчи бўлсин. Турмуш ўртоғим Сайёраҳон иқтисодчи. Қизим Саида Андижон давлат университетиде ўқитувчи, бир ўғлимиз фермер, яна бири олим, фан номзоди...

Тинч-осуда юрда яшаш, эл назарига тушиш, шоғирлар камолини кўриш — улкан бахт. Бугунги кунда ўқитувчилик чинакамига шарафли касбга айланди. Камтарона хизматларимиз юксак эътироф этилмоқда. “Ўзбекистон Қахрамони” унвонига сазовор бўлганлар орасида устоз-мураббийлар кўпчилиги ташкил этади. Бу ҳам ўқитувчиларнинг машаққатли меҳнати юксак эъзозланаётганлигини исботлаб турибди. Инсон меҳнати, кадр-қиммати улугланадиган мана шундай юрда яшаётганлигимдан қалбимда чексиз фахр ҳиссини туяман.

Ҳалолликда ҳикмат кўп, дейдилар. Демак, ҳалол ишлаган, яшаган одам элда обрў топади, хурмат қозонади. Шахсан ўзимга келсак, юртдошларимнинг келажака бўлган мустаҳкам ишончидан руҳланаман. Биз ҳамма нарсага холис назар билан қарашни ўргангилмиз, кўнглимиз кенг, бағримиз бутун бўлиб боряпти.

Ёнингизда турган одамнинг кўнглини сўранг, унга яхшилик қилинг, агар бунинг уддасидан чиқа олмасангиз, самимий сўзингизни аяманг. Айниқса, миллий кадрларнинг тимсоли бўлган бетакор байрамимиз Наврўз шуқуқи кезиб юрган мана шу кунларда юртимиз янада чиroy очган. Бу кунларнинг файзи бошқача. Одамлар бир-бирига меҳр улашади, оқибат ришталари мустаҳкамланади. Илдиэлар ерга маҳкамроқ ўрнашганидек, қалбларимизга Ватан муҳаббати янада чуқурроқ сингади. Мана шундай тинч-осуда юрда бир-биримизнинг қадримизга етиб, яшашнинг ўзи бахт ва саодат-да!

Фахриддин
УБАЙДУЛЛАЕВ
суҳбатлашди.
Андижон вилояти.



ФОЗИЛ ВА ФУЗАЛО

— тилимизда “фозил” сўзи оқил, билимли, фикрли, олим кишиларга нисбатан ишлатилади. “Фозил” сўзи билан “фазилат” сўзининг илдизи битта бўлиб, “устун бўлди” деган мазмунни билдирган. “Фузало” сўзи ҳам асли шу илдиздан ўсиб чиққан бўлиб, у “фозил кишилар” деган маънони англатади.

Аҳли фузало ҳамиша халқ қалбининг кўзгуси бўлиб келган.

Журналдан

ХАРЖ, ХАРАЖАТ ВА ХОРИЖ

— биз бу уч сўзнинг ҳам маъносини яхши биламиз. Аслида уларнинг учаласи ҳам битта илдиздан ўсиб чиққан бўлиб, “ташқарига чиқди”, деган маънони англатган. Дарҳақиқат, харж чиқим маъносида, харажат бирор нарсага маблағ ажратиб сотиб олиш, хориж эса чет эл маъносида ташқарига чиқиш мазмунини ифодалаб келади.

Саттор ҳовли ўртасидаги тапчанда ёнбошлаб, бўлажак тўй харажатларини чамалаб ўтирарди.

Газетадан

Мамаюсуф ака хориждан қайтаётган ўғлини кутиб олиш учун аэропортга чиққан эди.

Журналдан

МИНТАҚА — тилимизда ер юзининг бирор хусусияти билан ажралиб турадиган бўлаги маъносини ифодаладиган бу сўзнинг туб илдизи “белбоғ боғлади” деган мазмундан келиб чиққан. “Ўзбек тилининг этимологик луғати”да изоҳланишича, “минтақа” сўзи “белбоғ”, “иқлимий чегараланган ҳудуд” маъносини билдиради.

Иссиқ минтақа. Сувик минтақа.

Эшқобил ШУКУР тайёрлади.

Тошкент вилояти Янгийул туманидаги “ФАРАНГИР” МЧЖ жамоаси



барча юртдошларимизни гўзал ва мафтункор байрам — Наврўзи олам билан қизгин кутлайди!

Азиз ватандошлар!

Сизларга сиҳат-саломатлик, бахт, омад ҳамиша ёр бўлсин. Халқимизнинг азалий қадриятлари бўлмиш — саховатпешалик, меҳроқибат, яратувчанлик ва ташаббускорлик ҳеч қачон аримасин!

Наврўзингиз муборак бўлсин!

“Самарқанд автотеххизмат” акциядорлик жамияти жамоаси

элдошларимизни
21 март —
умумхалқ байрами
Наврўзи олам
билан чин дилдан
табриклайди!

Эзгулик,
меҳроқибат,
инсонийлик
тимсолига айланган бу айём ҳар бир
онлага хайрли яхшиликлар олиб
келишини тилаймиз.



Мудофаага кўмаклашувчи “Ватанпарвар” ташкилоти Самарқанд вилоят кенгаши тасарруфидоғи “Чархин” ўқув-спорт техника клуби жамоаси

қадим Шарқ заминидан неча
минг йиллардан бери йилбоши,
янги йил дея улкан сайил
сифатида нишонланиб
келинаётган Наврўз байрами
билан

юртдошларимизни самимий
муборакбод этади!



ХОРАЗМ ВИЛОЯТИ КЎШКЎПІР ТУМАН ТИББИЁТ БИРЛАШМАСИ ЖАМОАСИ

улуғ айём — Наврўзи олам билан барча
ҳамюртларимиз ва саломатлик посбонларини
чин дилдан табриклайди!

Жаннатмонанд юртимизга гўзаллик, нафосат ва янги-ланиш фасли Баҳор билан ҳамоҳанг тарзда кириб келаётган Йилбошининг қадамлари қутлуғ келсин. Бунёдкор халқимизга сиҳат-саломатлик, тинчлик, аҳиллик, фаровонлик ҳамиша ҳамроҳ бўлишини тилаймиз.



РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА • РЕКЛАМА

«ЎКТАМХОН-НУР» ўқув маркази

қуйидаги ўқув курсларига таклиф этади:

Тикувчилик — 3 ой.

Тўй ва оқшом либослари — 1-2 ой.

Аёллар костюм-шимми, плаш-пальто — 1-2 ой.

Ҳамшира — 6 ой. 4 ойи ўқиш, 2 ойи амалиёт.

Ҳамшира (тезкор) — 3-4 ой (амалиёти билан).

Тиббий массаж — 3 ой (2 ой ўқиш, 1 ой амалиёт).

Торт ва пишириқлар — 2 ой.

Олий торт безатиш курси — 1 ой.

Уйгур, Европа таом ва салатлари — 2 ой.

Ҳаҳон таомлари — 2 ой.

Аёллар сартарошлиги — 3 ой.

Тўй ва оқшом турмаклари ва макияж — 1 ой.

Бухгалтерия ҳисоби — 3 ой (0 дан балансгача).

Элита парда ва чойшаблар тикиш — 1 ой.

Элита парда ва чойшаблар тикиш олий курси — 1 ой.

Бичиш-тикиш, моделлаштириш ва малака ошириш — 1 ой.

Сартарошлик — 2-3 ой (ўғил болалар учун).

Тирнок, киприк ўстириш ва дипеляция — 1 ой.

Каштачилик — 3 ой (машинкада вышивка). Тўқувчилик — 3 ой.

Инглиз тили — 3 ой, рус тили — 3 ой, турк тили — 3 ой, корейс тили — 3 ой.

Бисер, яъни мунчок тикиш — 2 ой.

Декоратив гул ясаш — 1 ой. Сарпо кути ва саватлар ясаш — 1 ой.

Бисердан гуллар, дарахтлар ясаш — 2 ой.

Карвинг (мева ва сабзавотлардан композиция ясаш) — 3 ой.

Компьютер сабоқлари — 2 ой, Интернет — 1 ой.

Барчаси амалиёти билан. Ётоқхона мавжуд.

Ўқишни тугатганларга ДИПЛОМ берилади.

МАНЗИЛ: Юнусобод тумани 3-мавзе 1-уй 31-хона. МЎЛЖАЛ: Юнусобод дехкон бозори бош тарафи орқасида.

Тел: (8371) 221-17-95, 221-77-72, +99894 678-50-30 225-97-93 (18⁰⁰ дан 22⁰⁰ гача).

ФИЛИАЛ МАНЗИЛИ: Яшнобод тумани Фаргона йўли кўчаси 4-уй 40-хона. МЎЛЖАЛ: Кўйлик кийим бозори рўпарасида.

ТЕЛ: (8371) 295-97-82, +99894 678-50-30 (кундузи)

ЭЪЛОН!

11.09.2013 йилда Самохвалов Анатолий Григорьевич номига Тошкент шаҳар ҳокимлиги йўловчи транспортнинг барча турлари ҳаракатини лицензиялаш ва мувофиқлаштириш департаменти томонидан берилган йўловчилар транспортда бепул юриш ҳуқуқини берувчи №004380-рақамли гувоҳнома йўқолганлиги сабабли БЕКОР ҚИЛИНАДИ.

1990 йилда Тошкент давлат чет тиллар педагогика институти (ҳозирги ЎзДЖТУ) томонидан Семернина Наталья Вадимовна га берилган ПВ№047180-рақамли диплом йўқолганлиги сабабли БЕКОР ҚИЛИНАДИ.

Поезддаги ҳамроҳлари аёллар эканини кўриб, олис сафарга отланган Нурбеканинг кўнгли ёришиди. Уларга зимдан назар солиб, гап-сўзлари, ўзларини туттишларидан “бозор кўрган хотин”ларга ўхшатади. Бу аёллар савдоси бароридан келиб, беш-олти сўм пул топган, ҳатто ўзларини зўр савдогар деб тасаввур ҳам эта бошлашган бўлса ажабмас. Нурбека бундай аёлларнинг кўпини кўрди. Хизмат юзасидан тез-тез сафарга боришига тўғри келади. Катта бир савдо марказини юрийтиш осон эмас. Қанча одам билан муомала қилади. Узоқ сафарга, масалан, хорижга бормаган пайтлари кўпинча машина ёки поездда юради. Самолётда учгандан кўра, шуниси маъқул.

“Сўхбат йўлнинг танобини тортади, гурунглашиб кетамиз”, деган ўйда ҳамроҳлари билан танишди. Аммо ҳар қандай мулоқот ҳам кўнгила бирдек ёқавермас экан. Бозорчи ҳамроҳларининг гап-сўзлари тезда Нурбеканинг ҳафсаласини пир қилди.

— Дадаси иккаламиз толганимизни болаларимизга сарфлаймиз, — деди Оқила исмли аёл. — Ҳоҳлаган нарсасини олиб берамиз. Гулдек қилиб кийинтириб қўйганмиз. Аммо шуним кўролмайдиганлар бор, бу дунёда. Айниқса, мактабдаги устозлари сира кўз очиришмайди. Бир куни муаллимаси, онанг сенга ҳамма нарсани олиб берибди-ю, аммо битта ручка билан дафтар олиб бермабди-да, деб боламни синфдошларининг

хафа бўлманг, деб дўқ қилганига ўлайми?

Тўладан келган, сочини сарик ранга бўяб, калта кўйлак, тор шим кийиб олган Дианахон исмли аёл гапга аралашди:

— Узи сафарма-сафар юриб, ҳеч нарсага вақт орттиролмайдиган турганимда уйимга қизимнинг устозлари келишибди. Уларнинг айтишича, менинг қизим синфни икки гуруҳга — бой ва камбағалларга ажратиб юбораётган эмиш. Гапларини шартта бўлдим-да: “Мактабда ишлаганинг учун маошингни олиб турибсанми?”, деб сўрадим. “Сиз парво қилмасангиз, унинг тарбияси нима бўлади?” дейди. “Қизим билан ишларинг бўлмасин. Бошида ота-онаси бор. Ўзимиз тарбиялаб

Буни ҳаёт дейдилар

гизгача келишининг ўзи бағрикенглик эмасми? “Менга нима, давлат берган маошимни олиб, дарсимни ўтиб қўйсам, бўлди-да”, деб болангизнинг йўлдан адашишига бефарқ қараб тураверса, нима қилардингиз?

— Ҳа, энди устозлари уришар экан, деб болаларни тузукроқ кийинтиролмаимизми? Қўлига битта телефон, қулоғига битта тилла зирак тақолмай-мизми? — деди Диана. — Бозордан яхшигина фойда кўраётган бўлсак... Шу болаларнинг орзу-ҳавасини деб ишлаб юрибмиз-ку...

— Сизлар ҳали ёшсиз. Ўғил-қизингиз гўр. Бетайин тарбиянинг тарсақиси юрагингизга тушмаган. Менинг бир кўшним бўларди. Яккаю ёлғиз қизи бор эди. Агар қизига биров сал ноҳўя гапирса, эринмасдан ўшанинг уйига бориб, жанжаллашиб келарди. Ҳеч кимнинг танбеҳини қулоғига олмади, боласини роса талтайтириб, эр-калатиб ўстирди. “Ёшлигида хоҳлаганича ўйнаб қолсин”, деди. Қизи мактабни-ку, бир амаллаб битириб олди. Лекин коллежда ўқийдиган кезлари уйига ҳар хил дугоналарини бошлаб келадиган, гоҳида бир ой умуман кўринмай кетадиган одат чиқарди. Бир куни кўшнимнинг уйига бир аёл келиб, роса тўполон кўтарди. “Сен ўзи қанақа онасан? Қизингни қаерда юргани, нима иш билан шуғулланаётганини суриштирмайсанми? Сенинг бузуқ, ахлоқсиз қизинг ўғлимнинг оиласини бузмочқи бўлиб юрибди. Гулдай келиним, кўзмунчоқдай неварам бор, қизинг чучварани хом санамасин. Бу тарбиясиз қиз болаларининг бахтига чанг солишига асло йўл қўймайман”, дея бақариб кетди. “Ҳаммани қўлга олганман”, деб керилиб юрадиган кўшнимнинг тили гапга айланмай қолди. Кексаларимиз бежизга “номусни ёшлиқдан сақламоқ керак”, деб айтишмаган. Бозор кўриб, босар-тусарини билмай қолган яна бир танишим эса болаларига турли русумдаги телефонларни олиб беради. Ўзи савдо билан андармон бўлиб, гоҳида ҳафталаб уйига келолмасди. Телефонга ипсиз боғланган боласи қандайдир ёмон оқимга қўшилиб, ўзи тушуниб, тушунмай ноҳўя ишлар қилиб, қамалиб кетди. Бундай мисоллар жуда кўп. Бойлик қўлнинг кири, деб бекорга айтишмайди. Бугун бўлса, эртага йўқ нарса. Болалар эса оиламизнинг қувончи, кейинчалик суянчиқ бўладиганимиз ҳам шулар. Агар бугун уч-тўрт сўм пулимизга қибрланиб, уларнинг тарбиясида хатога йўл қўйсак, кейин бизни бир умр пушаймонлик қийнайди.

Қаранг, бугунги кунда болаларимизга имкониятлар эшиги кенг очиб берилган. Ўқисин, излансин, ҳар бир нарсанинг қадрига етадиган бўлиб улгайсин. Топган пулимизни шуларнинг қамалига сарфлайлик. Китоб ош-нон берадимиз, деган калта ўй билан фарзандларини ҳавойи қилиб ўстирган ота-оналарнинг афсус-надоматини кўп эшитганман...

Нурбека оғир тин олди. Ҳалидан бери бир-бирига гал бермай, эрка-тан-тиқ болалари ҳақида гапирётган ҳамроҳлари мулзам тортиб қолишганди.


Фотима БОЛТАЕВА,
Хоразм вилояти.

Маслаҳат

ИЧНИ ПОКЛАШНИНГ ҲОҲДАЛАРИ


Тошкент шаҳар ҳокимлигининг Меҳнат ва аҳолини ижтимоий муҳофаза қилиш бош бошқармасига қарашли «Нуронийлар оромгоҳи» сиҳаттоҳи шифокори — Гулираёно МАХМУДОВА тавсиялари:

— Танани нафақат ташқи томондан, балки ички тарафдан ҳам тозалаш туриш жуда фойдали. Қадим-қадимдан кексаларимиз баҳорда шафтоли гулидан ички юмшатувчи чучвара қилиб еганлар ва шу йўсинда ҳар баҳор ўз таналарида йиғилиб қолган шлаклардан фориг бўлганлар.



Лукмони Ҳаким: “Соғ бўлай ва қаримайин десангиз, йилда бир бор сурғи қилинг, шаҳватга берилманг, ҳафтада ҳаммомга кириңг, деган эди. Ибн Сино ҳам танани шлаклардан тозалаш учун бир қанча дамламаларни, масалан, сано ичсини тавсия қилган. Шу тарзда асосий хасталик давосини топа бошлаган.

Абу Бакр ар-Розий ички поклаш ҳақида қуйидагиларни ёзиб ўтган: “Қиш ойларида одам танасида овқат яхши ҳазм бўлмай, туриб қолиб, соғлиққа зарар етказиб, қабзият чақирмаслиги, танада шишлар пайдо бўлмаслиги учун жиғрот ичингиз!” Жиғрот бу — жўхори попуғини қайнатиб, унга тенг миқдорда, 1 стакан қатик, бир чимдим туз қўшиб тайёрланадиган айрондир. Буни уйқуга ётишдан олдин 1-2 стакан истеъмол қилинса, шлакларни тозалашга самарали ёрдам беради. Маълумки, қатик оксилга бой бўлиб, ичаклар ва организмга ўта фойдалидир. Бундан ташқари, жўхори попуғи дамламаси танадан ортиқча суюқликларни ҳайдаш хусусиятига эга. Ушбу дамлама айни баҳор ой-



ларида истеъмол қилинса, инсон ўзини тетик ва соғлом ҳис этади.

Шунингдек, баҳорда ейладиган ҳалим, кўк сомса, кўк чучвара ва сумалак каби таомлар ҳам жуда фойдалидир. Бу таомлар танани С (аскорбин кислотаси), Е ҳамда В гуруҳидаги витаминлар, калий, магний, кальций сингари фойдали микроэлементлар билан тўйинтиради ва инсонни ёшартирибгина қолмай, тетиклаштиради ҳам.

Латофат САЪДУЛЛАЕВА
ёзиб олди.

ТАЙИНСИЗ АРБИЯ ТАРСАҚИСИ



олдида изза қилибди. Мактабга бориб: “Болам билан нима ишинг бор, индамай, дарсингни ўтаверсанг бўлмайди, шунгаем ота гўри қозихонами”, деб роса таладим.

— Болабсиз, — дея унинг гапини олиб кетди ўзини Салима деб таништирган аёл. — Улар ёзин-қийин тинмай ишласалар ҳам болаларини бизлар каби едириб, кийинтиролмайдилар. Унинг ўрнига қўлига китоб тутқазишди. Ҳеч замонда китоб ош-нон бўлганми, ўзи? Менинг олдимга ўғлимнинг синф раҳбари келиб: “Болангиз мактабга қўл телефонини олиб бормасин”, дейди. Телефон кўтариб юрган бўлса, осмон узилиб ёрга тушармиди? Ҳозир замоннинг ўзи шунга тақозо қилаётибди-ю. Бола техникани кўриб, ўрганиб катта бўлиши керакми, ахир. Шу гапларни ўқитувчисига шартта айтиб ташладим. “Ўғлингизнинг телефонида ҳар қил беҳаё расмлар бор экан, уни ўртоқларига кўрсатиб, мақтаниб юрибди”, дейди. Яна бир марта қўлида телефон кўрсам, қатъий чора кўраман, мендан

оламиз”, деб уларга катта кўчани кўрсатиб юбордим.

Шундан сўнг гурун янада қизиб кетди. Нурбеканинг эса боши лўқиллаб оғрий бошлади. Аёллар унга ҳатто парво ҳам қилишмас, ҳар бири ўз “дарди” билан овора эдилар. Нурбека ўзини ҳарчанд туттишга уринмасин, жим ўтиролмади.

— Болаларингизнинг устозларидан хафа бўлманглар, — деб гап бошлади у. — Улар фарзандларимизга ёмонлик тилашмайди.

Аёллар унга беписанд қараб қўйишди.

— Сиз ҳам ўқитувчимисиз? — дея савол берди Салима энсасини қотириб.

— Йўқ, йигирма йилдан бери савдо соҳасида ишлайман.

— Йўғ-э, ўхшамайсиз-у, — деди Оқила унинг одмигина усти-бошига қараб кўяркан.

— Ҳа, катта савдо дўконим бор. Аммо ўқитувчилар меҳнатини қадрлайман. Бировнинг боласи йўлидан адашмасин, деб, жон қуйдириб уйин-

Давлатшоҳ САМАРҚАНДИЙ

МИРЗО УЛУҒБЕК

Мирзо Улуғбекнинг фаросати ва хотирасининг қуввати шу даражада эдики, ҳар ерда бирон жониворга ўқ узиб, ов қилса, шу тарихни эслаб қолар, воқеа кунни ва қаерда содир бўлганлигини, жониворлардан қайсылари ов қилинганлигини дафтарга битиб кўяр эди. Тасодифан ўша дафтар йўқолиб қолди ва қанча қидирсалар ҳам уни тополмадилар. Дафтарни сақлаб юрган хизматчилар саросимага тушдилар.

Аждодлар ўтиги

Подшо деди:

— Ташиш тортманглар! Мен ўша дафтарга ёзилган гапларни бошдан-оёқ ёд биламан.

Сўнг Улуғбек котибни қақиртириб айтиб турди, улар ёзиб олдилар. Янги дафтар тўлган ҳам эдики, илгари йўқолган дафтар топилиб қолди. Ҳар иккала дафтарни солиштириб, тўрт-беш ихтилофдан бўлак фарқ топмадилар.

ТЕНГ ТЕНГИ БИЛАН ЭКАН

Ассалому алайкум "Оила" бўлими ходимлари. Сизларга ушбу мактубимни йўллашга дилимдаги яширин орзу-умидларим туртки бўлди. Мен ҳам ҳамма қизлар қатори бир файзли оиланинг суюкли бекаси бўлишни истайман. Оилада учинчи фарзандман. Дадам оддий ишчи, онам эса нафақада. Қўлимиз бироз калталиги учун опамни кечроқ узатдик, акам ҳам 31 ёшида уйланди. Кейин уларга алоҳида уй олдик.

Энди ўзимга келсак, ҳозирги кунда туманимиздаги гўзаллик салонларидан бирида стилист бўлиб ишлайман. Менинг толганим рўзгоримиздан ортмайди. Ҳозирги пайтда, биласиз, куда-андаларни-ку қўяверинг, ҳатто бўлғуси кувлар ҳам келин тарафининг аввал уй-жойи, яшаш шароити, кейин ўзини обдон кўриб, суриштириб, совчи жўна-тяпти. Яқинда қўшилариимиз кириб, онам билан анча гаплашиб ўтиришди. Кетишгандан кейин суриштириб билсам, улар тўртта ҳовли нарида яшайдиган, эллик етти ёшлик бир кишига мени сўраб келишган экан. Бу хабарни эшитиб, жуда хафа бўлиб кетдим. Наҳотки, ўзим тенги умр йўлдоши билан бахтли ҳаёт кечириш насиб этмаса? Гоҳида, балки тақдирим ўз қўлимдадир, деган хаёлга ҳам бораман. Шу умидда сизларга мурожаат қилаялман. Илтимос, ушбу дил сўзларимни газетда chop этсангиз. **Ёшим 30 да.** Уй-жойи, касб-кори тайин, мулоҳазали ва албатта, оиламиздаги шароитни тушунадиган қирқ ёшгача бўлган инсон учраса, турмушга чиқмоқчиман.

**ДИЛФУЗА,
Фаргона вилояти.**

НОУМИД ШАЙТОН ДЕЙДИЛАР

— Алло, мен бухоролик Ҳаким амакингимман. "Оила" бўлимига аъзо бўлиш учун ҳужжат топширганамга олти ой бўлди. Кутдим, лекин шу вақтгача бирор хабар бўлмади. Янгликлар бормикин, деб охири ўзим кўнғироқ қилаётганим.

— **Ҳаким ака, бизга мурожаат қилганларнинг барчаси, шунингдек, сиз ҳам эътиборимиздасиз. Умид билан келган ҳар бир муштарийимизнинг нияти амалга ошса, биз ҳам хурсанд бўламиз ва доим шунга ҳаракат қиламиз. Кўнғироқ қилмаганимизнинг сабаби сиз 50-55 ёшгача бўлган аёлни излаётганингизни айтганингиз, тўғрими?**

— Ҳа, фарзандларидан тинган, мутлақо соғлом бўлсин, дегандим. Чунки ўзим ҳам яқиндагина кенжамни уйлантирдим. Энди фарзандлар ташвишидан холи, фароғатда яшаш ниятидаман.

— Очигини айтишимиз керак, қўлимизда бир қатор аёлларнинг ҳужжатлари йиғилган. Лекин уларнинг аксарияти 30-40 ёшлар атрофида. Қолаверса, уларнинг битта ёки икки нафар фарзандлари ҳам бор. Ноумид шайдон деганларидек, ҳар бир жувон албатта, ўзидан кўра кўпроқ фарзандига ота меҳрини бера оладиган инсонни излаётганини қайта-қайта таъкидлаши ҳам бежиз эмас.

— Балки, тўғридир. Лекин мен тенгилар ҳам ёши бир жойга бориб қолган маҳалда тинчгина яшашни истайдилар-да. Узр, сизларга шарт қўйганим учун, майли, мабодо ёши мосроғи учраса, хабар қиларсизлар.

"Бахтли бўлинг" саҳифаси**КИМ КИМГА АРЗИМАДИ?**

Тўғрсини айтишим керак, ҳаётда кўп қийналдим. Ҳамиша сабрли бўлишга интилдим. Аммо гоҳида, "Шундай ҳаётга муносибимдим", деб ич-ичимдан эзилиб кетаман. Ота-онамнинг авлодлариде турмушидан ажраган ёки ўз жуфтига хиёнат қилганлар йўқ. Болалигимиздан бизга ҳам оила муқаддас, уни кўз қорачигидек асраш, қадрига етиш шарт, дея ўргатишган.

Турмушимнинг илк кунлариданоқ мен келин бўлиб тушган хонадондаги муҳит, оила аъзоларининг ўзаро муомала муносабати бизникидан анча фарқли эканини сезгандим. Айниқса, қайноғам билан овсинимнинг кунда кунора жанжаллашишига кўникиш жуда қийин эди. Овсиним эрининг саёқ юришидан нолирдди. Унга таскин бериш, жўяли маслаҳатлар билан йўлга солишга шахсан мен ёшлик қилардим. Бир йилдан кейин ўғлим туғилди. Тўғруқхонадан келганимда овсинимнинг бу уйдан бутунлай кетиб қолганини билдим...

Оиладаги носоғлом муҳитнинг таъсиримди ёки "наслига тортади" деганлари ростмиди, ишқилиб, таниш-билишларимдан эримнинг ҳам суюқоёқ аёллар билан ўралашиб юрганини эшитиб турардим. Бу ҳақда ота-онамга айтишга истиҳола қилдим. Чунки боламнинг отаси уларга хунук кўриниб қолишини истамасдим. "Вақт ўтиши билан ўғлининг олдида бу ишларидан уялиб, тўғри йўлни топиб олар", деган ўйда ўзимни овутардим. Аммо турмуш ўртоғим яхши тарафга ўзгартиш ўрнига баттар айний бошлади. Аҳвол шу даражага бориб етдики, у ҳатто бу ҳақда менга андишасизларча гапирадиган одат чикарди. Оиламни сақлаб қолиш учун уни тўғри йўлга солишга уриндим. Шунда, "Сен аралашма, яшашни истамасдинг, ана, катта кўча", деган жавобини, сўқинишлар ва ҳақоратни эшитдим. Шундан сўнг оиламизнинг тинчи йўқолди. Ана шундай тортишувларимиздан бирида эрим ҳатто, ўғлини ҳам юз-хотир қилмай: "Юк машинасини чақириб бераман, кетсанг, кетавер", деди. Ҳалигача "Ҳўш, аслида ким кимга арзимади, мен ҳаммасига чидадим, лекин эрим қадримни топтади-ку!" дея эзиламан.

Мана, ажрашганимга ҳам тўрт йилдан ошди. Онам: "Ёлғизлик бандасига ярашмайди, боланг ҳали ёш, турмушга чиқсанг, отам бор, дея бошини бандан тутаиб юради", дейдилар. Яқинда бир дугонам "Оила ва жамият" газетасидаги "Оила" бўлимига учрашиб кўр, балки бахтинг шу ердадир, деб маслаҳат берди. Шунинг учун сизларга мурожаат қилаялман. **Ёшим 31 да.** Оилани муқаддас билгувчи, мулоҳазали, уйи, иши тайин инсон учраса, турмушга чиқиш истагидаман.

**МУХЛИСА,
Тошкент шаҳри.**

ТАҲРИРИЯТДАН:

"Бахтли бўлинг" рукнига хат йўллаётган ёки бевосита мурожаат қилаётган фуқаролар паспорт нусхаси ва яшаш жойидан (маҳалла фуқаролар йиғинидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади. "Оила" бўлимига 60 ёшгача бўлган фуқароларга хизмат кўрсатилади.

МУРОЖААТ УЧУН ТЕЛЕФОН: (8-371)234-25-46

**ҲАЁТНИНГ ЎЗИ
ТАРБИЯЛАДИ**

Мухбирлар хонасига кириб келган киши салом-алиқдан сўнг мақсадга ўтди:

— Биринчи аёлмига уйланишимда ёшгина йигитча эдим. Кенжа фарзанд бўлганим учун ҳаммиша отам ва акаларимнинг қўмағида ҳеч нимадан камчилик кўрмай ўсганман. Ота-онам мени йигирма ёшимда уйлаб қўйишганди. Нозима билан аввалига жуда яхши яшадик. Бир йил ўтар-ўтмас, қизимиз туғилди. Акаларим алоҳида уй олиб чиқиб кетишди. Ўша кезлари ишим юришмай, рўзгор тебратишга ҳам қийналиб қолдик. Тан оламан, бунинг сабаби бироз ичкиликка берилганимда эди. Ўша пайтлар яқинларимнинг танбехларини қўлоғимга олмасдим. Оила боқиш учун пул топиш, ишлаш ёқмасди. Рўзгордаги етишмовчиликлардан зада бўлган Нозима бир кун кетаманга тушиб қолди. Мен ҳам ўзимга етгунча эмасманми, эшикни кўрсатиб туравердим...

Икки йилдан кейин бир аёл билан танишдим. У ҳам турмушидан ажралган экан. Кичкинагина тўй қилдик. Бир кун яқин кўшим Россияга ишлашга кетаётганини айтди. Ундан йўл-йўриқларини сўраб, мен ҳам сафарга отландим. Олти ой ишлаб келганимда хотиним уйда йўқ эди. У ота-онамга, эрим келганида қайтаман, деб кетиб қолган экан. Олиб келишга борсам: "Энди чет элга бормасликка ваъда берсангиз яшайман, бўлмаса ажрашаман", деб туриб олди. Нима қилишим билмай қолдим. Тўғри, биринчи гал топганим ўзимдан ортмади. Лекин кейинги сафар мўмайгина даромад олишимни айтишганди. Мен оиладан кўра даромадни афзал билдим.

Тўғри йўлни танладим, деб яна хорижга жўнадим. Тўғриси, бу ҳақда бировга айтишга ҳам уяламану лекин ҳозир сиздан бунинг беркитмаганим маъқул, иккинчи сафар акаларим жўнатган пулга аранг қайтиб келдим. Энди ўтган умримга назар солсам, ҳамма қилган ишларимдан уяламан. Ҳаётнинг ўзи мени тарбиялаб қўйди. Ҳозир сувоқчилик билан шаргулланыялман. Топиш-тутушим омон эмас. **Ёшим 47 да.** Мени тушунадиган, Тошкент шаҳри ёки вилоятда истикомат қилувчи, фарзандсиз аёллар учраса, уйланмоқчиман.


**ЗАРИФ,
Тошкент вилояти.**

**ШАР-ХОНА**

Агар уйингизда 2600 та шар ва анчагина бўш вақтингиз бўлганида нима қилардингиз? Уйлаиб қолдингиз-а!.. Жерemi Телфорд Американинг Юта штатида яшайди. Уч боланинг отаси бўлиш бу жаноб бизнинг саволимизга "Толкининг "Хоббит Бильбао Беггинс" китоби қахрамонига тегишли бўлган уйнинг нусхасини курадим", деб жавоб берган бўларди.

Ҳа, у шундай қилди ҳам. 34 ёшли расом пуфлама шарлардан турли шакллар яшаш маҳорати билан машхур. Хоббитлар уйи учун интерьерлар яратиш учун уч кун давомида 40 соат вақт сарфлади. Агар Телфорд шунча шарни оғизда пуфлаб шиширганида, ким билади, ўзининг лаблари ҳам шардек шишиб кетарми?! Шу боис у "Қурилиш ашё"ларини пуфлаш учун қўл-насосдан фойдаланди.

Жеремининг астойдил ҳаракатлари самараси ўларок, камин, тебрана kursi, қандил, соат, каттагина шкаф, стол-стул ва ҳатто оламалар билан тўлдирилган ваза каби жиҳозларни ўз ичига олган шином хона пайдо бўлди. Таъкидлаганимиздек, ҳамма-хаммаси шарлардан ясалган. Шу тариқа Телфорд хотини ёрдамида ўз уйларининг меҳ-



монхонаси ичида "Хоббитлар" уйини ясади.

Жерemi ўз санъатининг сирларини ҳеч кимдан яширмайди эмас. У жиҳозларни ясар экан, ишларини видеокамера ёрдамида суратга олиб борди. Ҳар бир деталь қандай ясалишини тушуниш осон бўлиши учун камеранинг автомат суратга олиш тизимини ҳар 18 сонияда ишга тушадиган режимга созлаб қўйди.

Булар профессионал ҳайкалтарошнинг биринчи иши эмас. Телфорд бунга қадар шарлардан тирозавр скелети, табиий катталикдаги стегозавр, мотоцикл нусхаларини ҳам ясаган бўлиб, унинг фаройиб асарлари 2002 йилда Солт-Лейк-Ситида бўлиб ўтган қишки Олимпия ўйинлари жараёнида барчага ҳуш қайғират бағишлаб турган.

Расомнинг эндиги режаси — шарлардан улкан юк машинаси макетини куриш.

**Наргиза СИДДИҚОВА
тайёрлади.**

НАВРЎЗ НАСИМЛАРИ

Ҳазрат Алишер Навоий бо-
бомизнинг "Ҳар тунунг қадр
ўлубон, ҳар кунунг Наврўз
ўлсин!" деган ўлмас сатрлари
замирида шарқона ҳикмат, ду-
нённинг маънавий хазинасига
ўзининг бебаҳо қадриятлари
билан ҳисса қўшмоқда
муяссар бўлган халқи-
мизнинг улуғ мероси
ётибди. Тасаввур қилай-
лик, беш асрдан кўпроқ
муддат аввал Йилбоши-
нинг қадр-қиммати,
файзи-ташти шу қадар
удуғлангани бизни қан-
чалар ҳайратга солади.

Бошқа ўлкаларни кўяту-
райлик, бугун бизнинг мам-
лакатимизда яшаётган ҳар
бир миллат ва элат фарзан-
ди оддий бир ҳақиқатни ан-
глаб етдики, озод ва обод
Ўзбекистонимиздаги тинчлик
ва барқарорлик Наврўзи оламни чин
маънода халқ сайлига айлан-
тирди. Шунинг учун ҳам давлатимиз раҳба-
ри томонидан имзоланган "2015 йил-
ги Наврўз умумхалқ байрамига тай-
ёргарлик кўриш ва уни ўтказиш тўғри-
сида"ги қарорда "Халқимиз учун
табиат уйғониши, шарқона янги
йилнинг бошланиши, асл миллий,
энг ардоқли байрам" эканлигига
алоҳида урғу берилган.

Кунни кеча олис Оролбўйи — Қора-
қалпоғистон Республикасининг
Хўжайли шаҳридаги махсус мактаб-
интернатда хизмат қиладиган фи-

дойи, саховатли аёллардан бири Пар-
воз Яхёева таҳририятимизга кўнғирок
қилиб, "Йилбоши арафасида биз
яшаётган овулда ва қолаверса, мак-
табимизда бу ажойиб айёмга бағиш-
ланган тadbирларни ўтказишга кек-
саю ёш астойдил қизиқиб, байрамни
интиқ кутишмоқда. Айниқса, ҳар йили



миллий қадриятларимиз орасида бе-
восита Наврўзга хос бўлган урф-
одатларнинг янгича кўринишлари
кашф этилаётгани бизни қувонтир-
моқда", деди ўзгача ҳаяжон билан.

Дарҳақиқат, шу кунларда юр-
тимизнинг барча гўшаларида она таби-
атнинг инсоният руҳи билан чамбар-
час боғланганлигини исботловчи од-
дий ҳақиқат — уйғониш ва янгила-
ниш, ободлик ва фаровонлик тимсолига
айланиши кўз ўнгимизда намоён
бўлаётир. Дашту далаларда, қир-
адирлар, тоғу тошларда, хуллас, Ва-
танимизнинг ҳар бир бурчагида Йил-

боши руҳи кезаётир. Умумхалқ
ҳашарлари, ободончилик ва кўкалам-
зорлаштириш билан боғлиқ хайрли
юмушларда элдошларимизнинг фа-
оллиги ёрқин акс этмоқда. Буларнинг
ҳаммаси тинчлик ва осойишталикнинг
амалдаги ажиб кўринишларидан би-
ридир.

Наврўзнинг бир куни
йилга татийди, деган
халқона иборада ҳам
жон борга ўхшайди. Та-
биатда куну тун тенгла-
шади, яшариш, тўй-то-
мошалар бошланади.
Қишда оловсиз совиб
қолган дошқозонларда
ҳалим ва сумалаклар
қайнайди. Тулпор мин-
ган бўз йигитлар ҳай-
қирғи оламни тутуди:
"Одамлару одамлар,
тоғда битган бодомлар,
эшитмадим деманглар,
Йилбоши сайлига ке-
линглар!" Бир ёқда эса
митти болакайларнинг
жўрвози эшитилади:

"Қаттиқ ердан қақраб чиққан бойче-
чак, юмшоқ ердан юмалаб чиққан
бойчечак!"

Чевараси хув бепоён адирлардан
излаб-излаб топган бойчечакни юз-
кўзларига суртиб дуога қўл очаётган
икки асрлик ўтмишдан гувоҳлик бе-
раётган ва дорилмомон кунларимизга
шўкрона айтаётган нуроний бобола-
ру моможонларимиз дуоси кўнглини
осмон қадар юксалтиради:

— Наврўзга етказганинга шукр,
илоё юртимизга кўз тегмасин! Мус-
тақиллик абадий бўлсин!

Норқобил ЖАЛИЛ



БОКСЧИЛАРИМИЗ БИРИНЧИ ЎРИНДА

Литва пойтахти Вильнюс шаҳри-
да бокс бўйича ёшлар ўртасида хал-
қаро турнир ўтказилди.

Вазни 60 килограммгача бўлган
боксчилар ўртасидаги баҳсда
ҳамюртимиз Бобомирзо Толибов
польшаллик Карол Ковал, литваллик
Эдуардас Стрелкиунас, украиналик
Евген Ленковский, финал баҳсида
венгриялик Ричард Ковачни енгиб,
шоҳсупанинг энг юқори поғонасига
кўтарилди.

Оғирлиги 64 килограммгача
бўлган боксчилар мусобақасида
иштирок этган спортчимиз Иқбол-
жон Холдоров барча рақиблари ус-
тидан галаба қозониб, олтин медал-
ни қўлга киритди.

91 килограммгача вазн тоифаси-
да рингга чиққан Обиджон Тоҳиров
ҳам турнир голиби бўлди. Вазни 75
килограммгача бўлган спортчилар
баҳсида эса яна бир ҳамюртимиз
Козимбек Мардонов кумуш медаль
билан тақдирланди.

Халқроқ турнирда учта олтин ва
битта кумуш медални қўлга кирит-
ган Ўзбекистон ёшлар терма жамо-
аси умумжамоа ҳисобида биринчи
ўринни эгаллади.

Интернет манбалари асосида
Илҳом ЖУМАНОВ тайёрлади.

АМАЛИЙ АНЖУМАН

Пойтахтимизда "Кексаларни
эъозлаш йили" Давлат дастури-
ни амалга оширилиши устидан
самарали жамоатчилик назорати-
ни ўрнатилди оммавий ахборот
воситаларининг ўрни ва роли"
мавзусида республика амалий ан-
жумани бўлиб ўтди.

Тadbирда сўзга чиққанлар мам-
лакатимизда амалга оширилаётган
кенг қўламли ислохотлар аҳолини иж-
тимоий ҳимоялашга йўналтирилгани
билан аҳамиятли эканини алоҳида
таъкидладилар. Кексалар, уруш ва
меҳнат фахрийларига ғамхўрлик
кўрсатиш, даволаш, спорт-соғлом-
лаштириш масканлари, сихаттоҳлар
замонавий анжомлар, тиббиёт уску-
налари билан таъминланмоқда. Уруш
ва меҳнат фахрийлари, пенсионер-
лар, алоҳида эҳтиёжли кишиларга
тўланадиган ижтимоий тўлов ва на-
фақалар таъминотини вақтида амал-
га ошириш юзасидан тизимли ишлар
бajarилмоқда. Анжуманда ушбу Дав-
лат дастурида белгиланган вазифа-
лар ижросини таъминлашда жамоат-
чилик назоратини ўрнатиш, оммавий
ахборот воситаларининг холис ва
ҳаққонийлигини таъминлаш юзасидан
вазифалар белгилаб олинди.

Лазиз НАВРЎЗОВ

“ТОШКЕНТ ДАВЛАТ ЦИРКИ” республика бирлашмаси жамоаси

ватандошларимизни, пойтахтимиз меҳмонларини
Янгилашни ва яшариш фасли – Наврўз айёми билан
самимий муборакбод этади!

Мамлакатимиздаги дунё аҳли ҳавас
қилгулик тинчлик-осойишталик,
миллатлараро тотувлик, ҳамжиҳатлик,
ободлик ва фаровонлик барқарор
бўлаверсин.

Бетакрор
бахор таровати,
қадимий Наврўз
— Йилбоши
шукуҳи йил
давомида қалбларимизни тарқ этмасин!

Ҳар кунимиз Наврўз бўлсин,
муҳтарам юртдошлар!



Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси
(Болалар жамағатлари) ва «Соғлом авлод учун» халқаро хайрия фонди

Таҳририятга келган қўлёзмалар
муаллифларга қайтарилмайди.
Реклама материаллари мазмунини учун
таҳририят жавобгар эмас.

«Шарқ» нашриёт-матбаа акциядорлик
компанияси босмахонасида chop этилди.
Тошкент, Буюк Турон кўчаси, 41-уй.
Босишга топшириш вақти – 15:00
Босишга топширилди – 15:00

E-mail: oilavajamiyat@sarkor.uz

ISSN 2010-7609



МАНЗИЛИМИЗ: Тошкент – 100000. Амир Темур кўчаси
1-тор кўча, 2-уй. Мўлжал: Олой бозори ёнида

Бош муҳаррир:
Норқобил ЖАЛИЛОВ

Навбатчи муҳаррир — Ҳамроҳон
Мусурмонова
Саҳифаловчи — Илҳом ЖУМАНОВ
Мусаҳҳилар — Саидгани САЙДАЛИМОВ,
Қамола АДАШБОЕВА

Ўзбекистон Матбуот ва ахборот агентлигида
0169-рақам билан рўйхатга олинган. Буюртма Г
— 336. Формати А-3, ҳажми 2 табоқ. Адади —
7720. Баҳоси келишилган нарҳда.

ОБУНА ИНДЕКСИ — 176

Қабулхона: (тел-факс) 233-28-20
Котибият: 233-04-35, 234-76-08
Мухбирлар: 233-04-50
«Оила» бўлими: 234-25-46

Web-site: oila-va-jamiyat.uz

123..5